

آبونه سرائطی

ممالک عثمانیه ده سنه لکی (۶۵)، آلتی
آیلغی (۵۳) غروشدرد .
ممالک اجنبیه ده سنه لکی (۱۷)، آلتی
آیلغی (۹) فرانقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشندر .

§

مسئله موافق آثار مع الممنونیه قبول
اولنور . درج ابدله یین یازیلر اعاده
اولونماز .

الشیخ الاسلام

سر ۱۳۳۰

دینی ، فلسفی ، علمی ، ادبی سیاسی هفته لقی مجموعه اسلامیة در .

اخطارات

رساله مزدن آلتدینی کوسترلک شرطیه
بتون یازیلر هر هانکی برغزه طرفندن
اقتباس اولونه ییلیر .

§

مکتوبلرک، امضالری واضح و اقوناقلی
اولسی و آبونه صره نومروسی محتوی
بولونمسی لازمدر .

§

ممالک اجنبیه ایچون آبونه اولانلر
آدرسلرینک فرانسه رجه ده یازلسی رجا
اولنور .

§

پاره کوندرلدیکی زمان نه یه داثر اولدیغنک
واضحاً ییلدرلسی رجا اولنور .

اتبعون اهدکم سبیل الرشاد

والله یهدی من یشاء الی صراط مستقیم صاحب و مدیر مسئول : ح ایدب اشرف

جلد ۱۱

۳۰ کانون ثانی ۱۳۲۹

نخشبته

۱۶ ربیع الاول ۱۳۳۲

عدد ۲۸۳

تفسیر شریف

نجائب قرآنیہ دن

سورة آل عمران : — آیت ۱۰۳

وَاعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَاذْكُرُوا نِعْمَةَ اللَّهِ عَلَيْكُمْ
إِذْ كُنْتُمْ أَعْدَاءً فَأَلَّفَ بَيْنَ قُلُوبِكُمْ فَأَصْبَحْتُمْ بِنِعْمَتِهِ إِخْوَانًا وَكُنْتُمْ
عَلَى شَفَا حُفْرَةٍ مِنَ النَّارِ فَأَنْقَذَكُمْ مِنْهَا كَذَلِكَ يُبَيِّنُ اللَّهُ لَكُمْ آيَاتِهِ
لَعَلَّكُمْ تَهْتَدُونَ .

جمله کز برلکده جبل الله یاشوب آریلک [دین اسلامه، کتاب الله
شدتله تمسک ایدک، صاقین اره کزه اختلاف و شقاق دوشه رک حقدن
آریلک، زمان جاهلیتده اولدیغی کبی فرقه فرقه اولوب ده اتفاق کلمبی
اخلال ایتمیک، تفرقه فی موجب اولور و آره کزده کی الفت و محبتی ازاله
ایدر حالات احداث ایله میک . الحاصل جبل متین الهی به یاشوب الحذر
محبت و الفتکزی ازاله، جمعیت و اتحاد کزی تارمار و پریشان ایدمک
احوال و اسبابه تقرب ایتمیک [و جناب حقک سزه اولان نعمتی یاد
و تخطر ایدک که سز [زمان جاهلیتده [بری بریکزک دشمنی [اولوب
اره کزده کی بغض و عداوتلر و لایق قطع دوام ایدن محاربه لایله تاب
و توانکز کسلمش، حضور و راحتکز بتون بتون منسلب اولمش [ایکن
الله سزک قلوبکزی تألیف ایدوب انعامیه [متحاب، مترجم،
متناصح، کلمه حق اوزرینه مجتمع و متفق [اخوان اولدیکنز [ظلمات
جهل و نادانی ایچنده عصیت و غیرت قومیه ایله اوغراشوب طورر ایکن
نور قرآن ایله بصیرتکز روشنا و یشکزده کی تفرقه عصیت جهت

وحدت اسلامیه ایله برطرف اولدی . بوبر نعمت جلیله دنیویه دره،
دوشونکیز، قدرینی بیلکیز، بونعمت بیعدیلی الدن قاجیرمیکیز [.
وسز آتشدن برحفره نک کنارنده بولنمقده ایکن [یعنی سز کفریکزدن
ناشی حفره دوزخک کنارنده بولنوب بو حال اوزره فوت اولسه کز
او حفره ده دوشه جککز محقق ایکن [سزی [اسلامه هدایت ایدمک
او حفره دن تخلص ایلدی [بوده برنعمت کرانهای اخرویه در [. الله
سزه آیات و دلائلی ایشته بویله بر بیان واضح ایله بیان ایدور، بلکه
طریق حقه اهتدا ایدرسکیز [حق جل و علا حضرت تریسک بوبیان الهیسی
سزک طریق هدایتده ثبات و ازدیاد کزی طلب و اراده ایلدیکی ایچوندر،
سزک صلاح و سعادتکز ایچوندر [.

انتباه

بو آرهلوق بعض اقوام اسلامیه نامنه خصوصی جمعیتلر، لجنه لر،
انجمنلر تشکیل ایلدیکی ایشیدیلیرور . برعلمک ترقیسی، برصنعتک
حایه سی، بر تجارتک توسیسی، بر شرکت تشکیلی، تماون و مواسات کبی
امور خیریه دن بر امر خیرک مذاکره سی ایچون جمعیتلر، لجنه لر،
انجمنلر تأسیس و تشکیل اولنورسه بوکبی محافل فضیلت جهت جهت
اتحاد و شوکت امتیه خادم اوله جفی جهته شبهه سز قبول عامیه مظهر
اولور . بو قدرده دکل . بوکبی مآثر علم و حیثیتک قلوب امتیه
بر موقع معلاهی احترامی اولور، الی الابد لسان ستایش و حرمت ایله
یاد اولنور، مؤسسلری، اعضاسی هر دم تحیل ایدیلور . فقط بر فرد
عثمانی نظرنده بتون افراد امت، بتون جهات وطن مساوی اولوب
برینی دیگر فرددن، دیگر قومدن، بردیاری او بر دیاردن سچمکه
هیچ بر سبب معقول یوق ایکن و بر عثمانی كافة ممالک عثمانیه نک اقبال
و ادبارینه صورت متساویه ده علاقه دار اولوب نظر و همی بر جهته
و بر قومک ترقی و تعالیسنه حصرک پیش نگاه عثمانیانه هیچ بر
معنای مستقیم اولماق ایجاب ایدرکن و علی الخصوص اهالیسک

و کلا سندن متشکل و منتخب شورای امت و مبعوثان ملت اولوب بونلر واسطه سبیل و وطنك هر طرفه جه اولان احتیاجات عمومیه و خصوصیه مجتمعاً دوشونیله جک ایکن بویله اقوام نامنه انجمنلر تشکیلی غایه جمعیت کبری اولان وحدتی اخلاصه باعث اوله جغندن موافق مصلحت عامه اولمسه کرکدر . فرقه فرقه اولوبده خصما به طعمه شکار اولمیه ؛ بنیان مرصوص اوله لم . اللهم ارنا الاشياء کما هی .
بوراده شرح و تقریر حالک اتمامی مغز قرانک ترجمات دلجوی حقائق بیناتنه حواله ایده لم :

قول من أمة را یاد کبر تابالا و خلافتها نذیر

[من أمة] قول شریفی [الاخلافتها نذیر] قدر یاد آیت . سورة فاطمه کی « وان من أمة الا خلافتها نذیر » قول کریمه اشارت اولمش . هیچ برامت یوقدر ، الا انده برنذیر کذار ایتشدر بیوریلور . بوقول شریفی تفسیر ایدرک ناظم جلیل القدر بیت آتی بی ایراد ایلور .
گفت خالی خود نبودست امتی - از خلیفه حق و صاحب همت
الله بیوردی که صاحب همت بر خلیفه حقندن هیچ بر امت اصلا خالی اولماشدر . هرامتک برنذیری ، هر قومک برهادیسی واردر .
مرغ جانهارا چنان یکدل کند - کنز صفایان بیغش و بی غل کند
او نذیر مرغ ارواح و افکاری اولیه یکدل و متحد ایدرکه انلر صفالردن بی غل و غش اولورلر .

مشغفتان کردند همچون والد - مسلمون را گفت نفس واحده

و مادر کبی بری برلرینه مشفق و مهربان اولورلر . بنی محبتی افندمز « المسلمون کنفس واحده » بیورمش و مسلمانلری نفس واحده عد ایشدر . ناظم حضرتلری مسلمونک نفس واحده اولملرینک سببینه بیان ایله دیورکه :

نفس واحد از رسول حق شدند - ور نه هر یک دشمن مطلق بدند

انلر پیغمبر خدادن نفس واحده اولدیلر . رسول اللهک تعلیم و ارشادیه کتله واحده اولدیلر . یوقسه هر بری آخربنه دشمن مطلق ایدی . مثال اوله رق ایسات آیه ده اوس ، خزرج قبیللرینک قبل الاسلام اولان حاللریله شرف اسلام ایله مشرف اولدقدن صکره کی احوالی مقایسه اولیور .

دوقبیله کاوس و خزرج نام داشت - یک زدیگر جان خون آشام داشت

اوس و خزرج نامنده ایکی قبیلله نک جانی بری برینک قاتنی ایچردی . بویکی قبیلله اوتنه دبری یکدیگره خصم جان اوله رق بری برلرینک قاتنی دوکرلر ایدی .

کینه ای که نه شان از مصطفی - محو شد در نور اسلام وصف

انلرک قدیم عداوت و کینه لری محمد مصطفی علیه السلامک تعلیم و ارشادیه نور اسلام و صفای ایمان ایچنده محو اولوب کتدی .

اولا اخوان شدند آن دشمنان - همچو اعداء غیب در بوستان

وزدم « المؤمنون اخوه » بیند - در شکستند و تنی واحد شدند
اودشمنلر اولا بوستانده صالقم اوزرنده کی اوزوم دانه لری کبی اخوان اولدیلر ، صکره ده « انما المؤمنون اخوة » نفسندن وزان اولان

نصح و پند ایله قیرلدیلر و تنی واحد اولدیلر . قومیت داعیه لرینی برطرف ایدرک جهت جامعه اسلام ایچنده بری برینه قاریشوب کتدیلر .
صورت انکورها اخوان بود - چون فشردی شیر و واحد شود
اوزوم دانه لری شکل و صورتلری اعتباریله بری برلرینه قیرنداشدرلر ، فقط صیقنجه شیر و واحد اولورلر . ارتق شکل و تعین قالماز ، جمله سی بردن برشیره اولور . اقوام مختلفه اسلامیه ده قومیت و تعینلری اعتباریله بری برینی مؤید اخواندرلر ، حقیقتده ایسه صیقیلوب شیر و واحد حالی آلمش اولان اوزوم دانه لری کبی کندیلردن قومیت و تعینلری زائل اوله رق ماهیت واحده حالی اکتساب ایشلردر .
برکت زاده

اسماعیل حق

حدیث شریف

قال رسول الله صلى الله عليه وسلم لتتبعن سنن من قبلكم شبرا بشبر [۱] وذراعاً بذراع حتى لو سلكوا جحر ضب سلكتموه قلنا يا رسول الله اليهود والنصارى ؟ قال فن ؟

مأل شریفی

رسول الله صلى الله عليه وسلم بویوردی که : سزدن اول کن امتلرک یولنی البته و البته قاریش قاریش ، آرشین آرشین قوغالیه جقسکز . حتی بونلر برکلیر یوواسنه طیقلمق کبی نامعقول برشیته قالمیشلر بیله ینه سز آنلرک آردی صره اورایه کیررسکز . « یارسول الله ، بوتابع اولاجغمن امتلر یهود ایلله نصارامیدر ؟ » دییه صورددق . « یا کیم اولاجق ؟ » بویوردیلر .

بوحدیث شریف ابو سعید خدری رضی الله عنه طریقله امته واصل اولان بخاری حدیثلرنددر . امام احمد ایلله امام مسلمده بو عبارده یک یاقین الفاظ ایلله روایت ایدیورلر . ابن ماجه ایلله حاکم ایسه آتی ابو هریره رضی الله عنه طریقندن استخراج ایتشلردر . حاکمک « مستدرک » ده ابن عباس رضی الله عنهما طریقندن دیگر برروایت ده و اردرکه آند : (وحق لوان احد هم جامع امراته فی الطريق لفعلتموه = او قوملره متابعتکن او درجه ده اولاجقدرکه ایچلردن [۱] ابن ماجه نک روایتده بوراده [وباعاً بیاع] زیاده سی ده و اردرکه « قولاج قولاج » دیمکدر .